



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus II. An Collator beneficii vacantis, ex causa æris alieni, ad tempus licitè reservet ejus fructus?

[urn:nbn:de:hbz:466:1-73045](#)

endum, (subjungit Pontifex) utrum, qui dat spirituale beneficium, proventus *ante donationem percipiat?* nam si proventus ante donationem, non percepit ipse, sed alius, & ex donatione consequatur, ut ipse proventus percipiat, non est dubium, circa hæc intercedere simoniacam pravitatem: si vero ante donationem percepit ipse proventus? credimus distingendum, utrum ante donationem constituat, ut ipsi proventus retineantur, ad tempus pro causa justa, & necessaria? aut convenientat cum eo, qui accepit beneficium, seu cum mediatore quoque, ut officio illo concessum retineat ipse sibi proventus? primum enim membrum credimus esse licitum; secundum autem dicimus, non licere, ne viam aperiamus his, qui pravitatem suam fatagunt palliare.

909 Ex hac enim resolutione Pontificia, Rubricam tituli (quod beneficia Ecclesiastica sine diminutione conferenda sint) & nigrum, Provisoribus beneficiorum, sive per collationem, sive per presentationem, & institutionem, sive per electionem, & confirmationem, aut aliud quemcumque modum providendi, non licet, ex qualibet causa, beneficiorum fructus sibi, aut aliis reservare; quamvis, ut constat ex textu relatedo quandoque fieri possit ex justa, & necessaria causa ad tempus (prout in seqq. exponeatur) posse conciliari.

ARTICULUS II.

An Collator beneficij vacantis, ex causa aeris alieni, ad tempus licet reservet ejus fructus?

910 **C**ollator hic sumendum est latè, ut monimus n. priori, nimirum pro quolibet exercente modum aliquem provisionis, praesentando, instituendo, transferendo, liberè conferendo, &c. Deinde, quaestio distinguenda est, an ea reservatio fructuum ex causa aeris alieni persolvendi nascatur ex debitis contractis *in bonum Ecclesie*, vel beneficii? an in privatum ipsius Collatoris? *Pro resolut. not. in Clement.* si una. 2. de rebus Ecclesie non alienand. a Clemente V. in Concilio Viennensi, constitutum esse, ut, si Episcopus (sui etiam Capituli accidente consensu) mense sue, vel ipsi Capitulo, aliquam duxerit Ecclesiamuniendam, hoc irritum sit, & inane, contrarium quavis consuetudine non obstante.

Huic accedit decretum Tridentini *sess. 911* 24. de reform. c. 14. quod sic habet in pluribus Ecclesiis, tam Cathedralibus, quam Collegiatis, & Parochialibus, *ex carum constitutionibus, aut ex prava consuetudine observari intelligitur*, ut in electione, presentatione, nominatione, institutione, confirmatione, collatione, vel alia provisione, sive admissione ad possessionem aliquius cathedralis Ecclesie, vel beneficii, Canonicatum, aut præbendarum, *vel partem proventuum, seu ad distributiones quotidianas certæ conditio[n]es, seu deductiones, ex fructibus, solutiones, promissio[n]es, compensationesve, illicitas, aut etiam, que in aliquibus Ecclesiis dicuntur Turnorum lucra, interponantur: hæc, cum sancta Synodus detecta, mandat Episcopis, ut quæcunque hujusmodi in usus pios non convertuntur, atque ingressus eos, qui Simoniacæ labi, aut fordidæ avaritiae suspicionem habent fieri non permittant, ipsique diligenter de eorum constituentibus, sive consuetudinibus, super prædictæ cognoscant, & illis tantum (quas, ut laudabiles probaverint) exceptis, reliquas ut pravas, ac scandalosas rejiciant, & abolcant.*

Ex dictis iuribus deducitur 1. Episcopis, *912* & beneficiorū Collatoribus ex causa iusta, & necessaria licere ad tempus reservare fructus beneficiorum, si eos ante beneficii donationem percepint; non autem si cum eo, qui accepit beneficium, ut ipse (nimirum collator) officio illo concessio, eos retineat, ut constat ex dict. c. unic. h. t. ubi primum, dicitur licitum; secundum autem, pravitatis pallium, ut constat ex tex- tu supra in num. 909.

Deducitur 2. etiam in primo casu reten- tionem fructuum non licere ad quoscun- que fines, nisi in pios usus convertantur, ut ait Trid. qualis esset, si Ecclesia foret obserata, nec à debitis aliter liberari possit, primum enim præstaret causam esse ju- stam; alterum, necessariam.

Deducitur 3. retentionem fructuum, *913* factam in provisionibus beneficiorum, qui in pios usus non convertuntur, vel simoni- acæ labi, vel fordidæ avaritiae suspicio- nem habere, adeoque ab Episcopis non permittebant; minus ab ipsiismet exercendam; cum eam sancta Synodus Tridentina, tanquam vitiosam omnino deteste- tur, ut patet ex textu in n. 910. & seq.

Dd 3

Dedu.

214 Tract. in Lib. III. Decretal. Quæstio XII.

Deducitur 4. probabilius esse, dictas frumentum reservationes, in collationibus beneficiorum, cassante justa, & necessariâ causâ, ad pios usus pertinente, spectato jure communi, non posse licite fieri sine privilegio, vel licentia Papæ; ratio sumitur ex Rubrica hujus tiruli; quia salaria constituta Ecclesia Ministris, integrè sunt solvenda. Deinde *Clement. 2. de reb. Eccles.* Episcopus unam Ecclesiam, etiam cum consensu Capituli, non potest mensa sua, vel Capitulari, unire perpetuo; quia Episcopus autoritatem præstaret in proprio facto, scilicet in proprium commodum. *Gloss. ibid. V. mensa sue*, sed haec ratio locum habet etiam in unione temporali, vel frumentum reservatione ad tempus. Non prohibetur tamen Episcopo, quo minus cum Capitulo statuat, ut reditus, vel eorum pars beneficiorum vacantium ad tempus reserventur in utilitatem Ecclesiae Cathedralis, v.g. pro fabrica, vel solvendis debitis, Ecclesiae nomine contractis, ut dicitur in *Clement. de reb. Eccles.* non alien. non tamen mensa sua, ut habetur in cit. *Clement. 2. num. 910.*

914 Deducitur 5. posse etiam Episcopum, cum Capitulo, statuere, ut certa pars frumentum primi anni, ex beneficio in sua dioecesi vacantibus, applicetur ad fabricam Ecclesiae Cathedralis, si necessitas exigat; quia sic non præstat autoritatem in facto proprio, sicut fieret, si eam applicaret mensa sua, vel Capitulari, ita Layman in c. 2. *dere script. in 6.* Quod tamen intelligendum, non neglecto ministerio debito Ecclesiae, cuius fructus ad dictum finem reservantur; consequenter constituto Clerico, ei Ecclesiae ministrandi, ex ejus redditibus justo stipendio, & sustentatione, quo fit, non posse reservari integras talis beneficii redditus, saltem spectato jure communi.

Cœterum consuetudo rationabilis, vel statutum laudabile, admitti potest, per quod aliquid exigitur ab obtinentibus beneficium, & quotidiana distributiones, quod non in ipsorum exigentium utilitatem, sed Ecclesiae, aliosque pios usus pios convertatur, modo non pro ingressu ipso, & admissione, sed ad alium finem exigatur, sic Felinus in c. *Cum M. de constitut. Abbas* in c. *Jacobus de simon.* num. 3. & patet cit. decreto Trid. ibi: illis tan-

tum, quas ut laudabiles probaverint, exceptis, tales porro non debent censeri consuetudines, quæ sunt pro instaurazione vel reparacione bonorum, mensa Capitularis, cederent enim in utilitatem singulorum, resolvit Garcia p. 8. c. 1. num. 90. Minus illæ numerari inter laudabiles poterunt, quas specificè exprimit Tridentini num in decreto relato num. 911.

Eam tamen consuetudinem de servientio per annum, vel aliquod tempus, & nihil percipiendo interim de massa glossa, nisi peracto integro dicto servitio, vel quod post obitum hæredibus debeatur, cum sit potius differre, quam auferre, non comprehendit hoc Tridentini decreto, refert decisum Garcia p. 11. c. 15. num. 138. nec etiam illam, ut duobus primis annis (quibus quis fuerit Canonicus) fructus Canonici sint hæredum antecessoris sic Garcia cit. num. 138. & ex illo Barbosa in Trident. cit. an. 3. si fundetur in pio, vel justo titulo.

Dixi autem superius n. 913. spectato iure communi, nam in quibusdam Ecclesiis Germaniæ, adhuc hodie consuetudo viget, ut annata, seu primi fructus, aut potius moderata eorum pars reservetur Episcopo ad ejus proventus augendos, teste Layman. l. 4. tr. 10. c. ult. §. 5. n. 46. addente, non satis constare, an in Trid. sess. 24. de reform. c. 14. ea reservatio simpliciter prohibetur? an vero solum, ne simoniace recipiantur? quasi pro ipsa collatione, vel institutione, si enim fundantur in receptione pro collatione, vel institutione, dubium non est, talem consuetudinem omnino irritam esse, si in vitio avaritiae? reprobata à Trid.

His addit, quod, si Episcopus mutuum accepit in utilitatem sua Ecclesie, & is, et non soluto, obiit, successor in Episcopatu conveniri posse, super eo, & ad solutionem Creditoribus præstandam teneatur c. *Dilecti* 17. de foro competente, sic Pirking cod. num. 45.

ARTICULUS III.

Qualiter pensionibus beneficia gravari possint a Collatoribus?

Non est dubium, impositione pensionum diminui redditus beneficii, ceteroquin competentes beneficiario, cui pro-